

Na osnovu čl. 5 stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj 03/18), Upravni odbor Agencije za bankarstvo Federacije Bosne i Hercegovine, na 56. sjednici održanoj dana 11.03.2021. godine donosi

O D L U K U
IZMJENAMA ODLUKE O PRIVREMENIM MJERAMA KOJE LIZING DRUŠTVA
I MIKROKREDITNE ORGANIZACIJE PRIMJENJUJU ZA OPORAVAK OD
NEGATIVNIH EKONOMSKIH POSLJEDICA UZROKOVANIH VIRUSNIM
OBOLJENJEM „COVID-19“

Član 1.

- (1) U Odluci o privremenim mjerama koje lizing društva i mikrokreditne organizacije primjenjuju za oporavak od negativnih ekonomskih posljedica uzrokovanih virusnim oboljenjem „COVID-19“ („Službene novine Federacije BiH“, broj 60/20), u članu 3. stav (1) tačka a), riječi: „od najduže 6 mjeseci“ zamjenjuju se riječima „najduže do 30.6.2021. godine“.
- (2) U stavu (1) tačka b), riječi: „od najduže 12 mjeseci“ zamjenjuju se riječima „najduže do 31.12.2021. godine“.
- (3) U stavu (1) tačka d), riječi: „od najduže 12 mjeseci“ zamjenjuju se riječima „najduže do 31.12.2021. godine“.
- (4) Stav (7) mijenja se i glasi:
„(7) NFI mogu odobravati posebne mjere iz ovog člana i klijentima kojima su prethodno odobravane posebne mjere u skladu sa odredbama Odluke o privremenim mjerama koje lizing društva i mikrokreditne organizacije primjenjuju za ublažavanje negativnih ekonomskih posljedica uzrokovanih virusnim oboljenjem „COVID-19“ („Službene novine FBiH“, br. 22/20 i 37/20) i odredbama ove odluke“.

Član 2.

U članu 4. stav (3) riječi: „od najduže 12 mjeseci“ zamjenjuju se riječima „najduže do 31.12.2021. godine“.

Član 3.

Član 5. mijenja se i glasi:

- „(1) NFI može klijentima odobriti jednu ili više posebnih mjera (modalitet) na obaveze i iste zadržati u kategoriji klasifikacije s pripadajućim postotkom rezerviranja i kategorizacijom (klasifikacijom) u kojoj su bili na dan podnošenja zahtjeva za odobrenje privremene mjere ili modaliteta i zaustaviti brojač dana kašnjenja za vrijeme trajanja posebnih mjera.
- (2) Nakon isteka perioda na koji su odobrene posebne mjere iz stava (1) ovog člana, a u slučaju da se klijentu ne odobri druga posebna mjera (modalitet), rezerve za gubitke se formiraju u skladu s metodologijom propisanom Odlukom o minimalnoj visini i načinu formiranja, upravljanja i održavanja rezervi za gubitke i upravljanje rizicima leasing društva („Službene novine Federacije BiH“, broj 46/09) i Odlukom o visini i načinu formiranja i održavanja rezervi za pokriće kreditnih gubitaka MKO („Službene novine Federacije BiH“, broj 27/07) od datuma isteka posebne mjere, nastavljajući izračun broja dana kašnjenja zatečen na dan odobrenja

privremene mjere ili modaliteta. NFI primjenjuju brojač dana kašnjenja od datuma podnošenja zahtjeva za odobrenje privremene mjere ili modaliteta.“.

Član 4.

U članu 10. stav (2) se briše.

Član 5.

Ova odluka stupa na snagu osmog dana od dana objavljivanja u „Službenim novinama Federacije BiH“.

Broj: U.O.-56-02/21
Sarajevo, 11.03.2021. godine

PREDSJEDNICA
UPRAVNOG ODBORA

mr. sc. Ljerka Marić, dipl.ecc., s.r.